

# هل أنت مستعد للقاء الله؟! | " كفى بالموت واعظاً " |

## #خطبة\_جمعة | د. حازم شومان

حازم شومان

بسم الله الرحمن كفى بالموت واعظاً. عايزين نتذكر اللحظة التي لا بد منها. اللحظة اللي هتيجي على كل واحد مننا كبير وصغير من ايام كنا نصلي على فتاة عمرها خمسة وعشرين سنة. رحمها الله. قبل رمضان بساعات. كنا نصلي على شاب عمره حوالي خمسة وعشرين سنة. راح - [00:00:00](#)

رحمه الله بالامس كنا في محافظة الاسماعيلية وفي فرح من الافراح على الطريق وناس بتجري بالموتوسيكلات كده جنبه واحد بتاعه وقع في لحظة مات بقى ده فرح وده ميتم في لحظة القبور زوروا المقابر عشان القلوب تستيقظ عشان - [00:00:20](#)  
الصدر تعلم ما في غد فتشرح للهدى والايمان. اخواني في الله تذكر الموت بيرقق القلوب. تذكر بيحث القلب على السير الى الله. تذكر الموت بيكوي مواضع الشهوات في قلب الانسان. فيجعل الانسان يخاف - [00:00:40](#)

ان يتقدم الى ما حرم الله سبحانه وتعالى. ان الحمد لله ان الحمد لله نحمد ونستعين به ونستغفره ونسئله ونسئله ونستغفره ونعوذ بالله من شرور بانفسنا ومن سيئات اعمالنا. اللهم انا نعوذ بك من شرور انفسنا. ومن سيئات اعمالنا -

[00:01:00](#)

انه من يهده الله فلا مضل له. ومن يضل فلن تجد له هاديا مرشدا. يا ايها الذين امنوا اتقوا الله. اتقوا الله حق تقاته. ولا تموتن الا وانتم مسلمون. يا ايها - [00:01:30](#)

ناس اتقوا ربكم الذي خلقكم من نفس واحدة. وخلق منها زوجها وبث منهما رجالا كثيرا ونساء واتقوا الله الذي تساءلون به والارحام. واتقوا الله الذي يتساءلون به والارحام ان الله كان عليكم رقيبا. يا ايها الذين امنوا اتقوا - [00:01:50](#)

الله اتقوا الله وقولوا قولا سديدا. يصلح لكم اعمالكم. ويغفر لكم ذنوبكم ومن يطع الله ورسوله فقد فاز. ومن يطع الله ورسوله فقد فاز. ومن يطع الله ورسوله قلت له فقد فاز فوزا عظيما. اللهم صل على النبي محمد وعلى ازواجه امهات المؤمنين وعلى ذريته وال بيته انك - [00:02:20](#)

حميد مجيد. اخواني واحبابي في الله حي الله هذه الوجوه المتوضئة. حيا الله هذه الوجوه المتوضئة. واسأل الله سبحانه وتعالى ان ينزل من بركاته ورحماته علينا. اللهم انزل من بركاتك على اهل هذه البلدة. اللهم انزل من - [00:02:50](#)

عليهم. اللهم انزل الهداية على قلوب رجال هذه البلدة. وعلى قلوب نساءها وعلى قلوب شبابها وفتياتها واطفالها بها انك ولي ذلك والقادر عليه. اللهم فرج كربتنا. اللهم ارحم موتانا. اللهم اشف مرضانا. الله - [00:03:10](#)

اللهم اكشف الهم والغم عنا. ربنا اكشف عنا العذاب انا مؤمنون. ربنا اكشف عنا العذاب انا مؤمنون. اما بعد اخواني في الله تخيلوا معي لو واحد دخل على زوجته فجأة قال لها يلا لمي هدومك بسرعة. حضري الشنط احنا مسافرين. مسافرين فين؟ مسافرين محافظة -

[00:03:30](#)

قال لها محافظة ايه؟ ده احنا مسافرين السعودية. السعودية دولة تانية طب مسافرين امتى؟ بعد اسبوع ولا اتنين ولا ثلاثة ده الطائرة تطلع بعد خمس ساعات يعني يا لنحق الطائرة يا ما لنحشش. انت بتتكلم بتقول ايه؟ طب احنا رايعين عمرة رايعين اسبوع وراجعين. ده احنا هنقعد عشر سنين - [00:03:50](#)

قبل ما نرجع تخيلوا يا اخواني هذا الرجل يبقى عاقل ولا ده كلام ناس مش عاقلة؟ اخواني في الله وبصدق وبحب الذي لا يستعد للموت اشد جنونا من هذا الرجل. ملك الموت لما بييجي يا اخواني ما بيديش للي قدامه فرصة يقول له بعد خمس ساعات -

00:04:10

سيقبض روحك. الراجل ده قال لمراته بعد خمس ساعات مسافرين. ملك الموت اللحزة اللي بيرى فيها هي لحزة الموت. ملك الموت بينقل الواحد مش من دولة لدولة انما من عالم لعالم تاني خالص. ملك الموت مش بيقول لك عشر سنين رايعين الاخرة وراجعين. ده خلاص ده ذهاب بلا عودة. ده - 00:04:30

ده اتجاه واحد ذهاب بلا عودة خلاص انت رايع العالم الاخر ومش هترجع الدنيا تاني. عشان كده اخواني في الله من منا يستعد للموت من منا متجهز للقاء الله سبحانه وتعالى. الواحد الفترة اللي فاتت وهو يتعامل مع شباب المسلمين ويتعامل مع المسلمين -

00:04:50

العقل ان يجن ويكاد القلب ان يطيش. من مدى المعاصي اللي عادت بترتكب وسط مجتمع شعاره في حياته لا اله الا الله محمد رسول الله. حينما تسمع شاب من الشباب ليلة سبعة وعشرين واحنا عاملين مع الشباب جلسة كده افتح لي قلبك. اتكلم ايه - 00:05:10

تلاقي شاب بيقول لك انا ما عنديش مشكلة في حياتي. الا مشكلتين. الخمر والزنا والعياذ بالله. بس هم دول المشكلتين اللي عندك هل هذه مشاكل الشباب او مشاكل كثير من شبابنا احد الشباب بيقول لي انا اول مرة في حياتي بعد ما جه اعتكف - 00:05:30

قعد ايام بيقول انا اول مرة في حياتي احس ان انا مسلم. مش هحس ان انا ملتزم. احس ان انا مسلم. الى اي مدى كثير من الناس

حينما كنت في خطبة في القاهرة من عدة اسابيع وداخل المسجد عشان ادي الخطبة في سينما جنب المسجد. فاذا - 00:05:50

بشباب امتنا او بعض شباب امتنا واقف امام باب السينما منتظر فتح الباب. مش منتظر رفع النداء لصلاة الجمعة. نحن والان نصلي

في بيت الله. نحن الان نصلي صلاة الجمعة وكثير من المسلمين. وكثير من شبابنا الان نائمون. وكثير من شبابنا لا - 00:06:10

يصلون لا الجمعة ولا غيرها. لا صلاة في يوم في لا صلاة صبح ولا صلاة ظهر ولا صلاة عصر ولا صلاة جمعة. اخواني في الله نحن الان

يعني في درجة من المعاصي وصل اليها يعني ناس ممن يعيشون في المجتمع يجب ان نقف معها. الواحد وهو يتعامل مع -

00:06:30

شباب يكاد قلبه ان ينفطر وهو بيشوف شاب بيقول لك انا عايز انتحر. عايز تنتحر ليه؟ يقول لك انا عملت كل المعاصي حاسس ان انا

تعييس وحاسس ان انا مكتئب. وحاسس ان انا محطم نفسيا. احد الشباب وانا بتكلم معه. فبقول له يا ابني انت المرحلة اللي انت فيها

دي - 00:06:50

ما عدش لها غير حاجتين بعد كده. يا تتوب يا تنتحر. قال لي هو انا لسة هافكر في الانتحار؟ ضحك ضحكة كلها الم وكلها مرار قال

لي هو انا لسة هافكر في الانتحار! ده انا فكرت فيه كثير. اخواني في الله. كفى بالموت واعظا. عايزين تتذكر اللحظة التي لابد منها -

00:07:10

اللحظة اللي هتيجي على كل واحد مننا كبير وصغير من ايام كنا نصلي على فتاة عمرها خمسة وعشرين سنة رحمها الله. قبل رمضان

بساعات كنا نصلي على شاب عمره حوالي خمسة وعشرين سنة رحمه الله. بالامس كنا في محافظة الاسماعيلية وفي فرح من الافراح

على - 00:07:30

طريق وناس بتجري بالموتوسيكلات كده جنبه. واحد الموتوسيكل بتاعه وقع في لحظة مات. بقى ده فرح وده ميتم. في لحظة

الموت نأتي في لحظة لذا قال تعالى الذي خلق الموت والحياة ولم يقل الذي خلق الحياة والموت. رغم ان انت بتعيش وبعد كده

تموت. انما - 00:07:50

ربنا زكر الموت الاول لان الموت هو اليقين. ولان الموت يا اخواني انا ممكن ممكن تتجوز وممكن ما تتجوزش ممكن تخلف وممكن ما

تخلفش ممكن تختنق وممكن ما تختناش. انما مش ممكن تموت وممكن ما تموتش. الموت هو اليقين. لذا قال العلماء ان اكثر يقين -

00:08:10

ولكن الناس شاكاة فيه هو الموت. اكثر يقيين الناس شاكاة فيه هو الموت. اخواني في الله كفى طب احنا بنتكلم عن الموت ليه؟ طب ما احنا ممكن نتكلم عن حاجات كتير. ايه اللي ممكن؟ طب بنتكلم عن الموت ليه؟ تذكر الموت بيزلزل قلب - [00:08:30](#)

هل تعرفون حديث ذلك الرجل الذي ما ترك معصية الا وفعلها. جه لحظة الموت. نام على فراش الموت. بدأ يحس ديب الموت جمع ولاده اولاده طول عمرهم متوقعين طول عمرهم بيشوف ابوهم ما لوش دعوة بربنا ما لوش دعوة بالطاعة ما لوش دعوة - [00:08:50](#)

طريق ربنا طول عمرهم عمرهم ما سمعوا كلمة عن ربنا من ابوهم. ولكن فجأة ابوهم اتقلب مية وتمانين درجة. قال لهم يا ابنائي اذا انا مت فاحرقوني. نحرقك! ازاى! حتى اذا نفذت النار الى عظمي فاطحنوني! اطحنوا بقى! الجسد - [00:09:10](#)

ده يبقى بودة ثم انتظروا يوما عاصفا فاذروني جزءا في اليم وجزءا في البر. ليه؟ ايه اللي حصل؟ ايه اللي خلاك تطلب الطلب الغريب ده. ايه الوصية العجيبة دي؟ قال لهم فلان قدر علي ربي فلان قدر علي ربي ليعذبني - [00:09:30](#)

اني عذابا لم يعذبه احدا من العالمين. انا عصيت ربنا بكل المعاصي. انا عملت معاصي ما حدش عملها. تخيل ذلك الرجل اول ما حس بالموت اتقلب مية وتمانين درجة. اتقلب الى واحد قلبه مليون خشية لله. وقلبه مليون خوف من الله وقلبه مليون - [00:09:50](#)

ان وجل وهو مقدم بين يدي الله. الموت تذكره بيقرب قلب الانسان. بيخوفنا. تذكر الموت بيخليك فعلا تعيش مع الدار الآخرة وتستعد للدار الآخرة. عشان كده ربنا سبحانه وتعالى في الجزء التلاتين في الجزء اللي الصحابة بدأوا يتربوا - [00:10:10](#)

وفي في الجزء اللي فيه الصور اللي نزلت في اول مكة وفي اول التربة. ربنا يقول الهاكم التكاثر حتى حتى زرت المقابر فضل الواحد غافل. فضل تايه في الدنيا. فضل مش عارف هو رايح فين وجاي مين. لحد ما زار المقابر. لحد ما دخل برجليه. يشوف المقابر - [00:10:30](#)

القبر شكلها ايه؟ يشوف السكن القادم اللي في يوم من الايام هيسكنه شكله ايه؟ اول ما زارها فاق. اول ما زارها استيقظ والا لو اختيارا في يوم من الايام هيزورها اضطرارا وهو محمول على الاعناق. حتى زرت المقابر. ربنا بيقول للصحابة زوروا القبور. زوروا - [00:10:50](#)

طول المقابر عشان القلوب تستيقظ. عشان الصدور تعلم ما في غد فتشرح للهدى والايمان. لذا قال تعالى وفي الجزء التلاتين افلا يعلم اذا بعث ما في القبور ربنا بيذكرنا بمشهد لحظة البعس لما ميت متين تلتميت مليون - [00:11:10](#)

اختيار بني ادم طالعين من تحت التراب. انا مش باقول لك ستة مليار ولا سبعة مليار عايشين على وجه الارض. ده ميت ميتين مليار من ايام ادم الى ان تقوم الساعة - [00:11:30](#)

تبعثر ما في القبور عشان كل الناس تطلع من تحت التراب. من جميع طبقات الارض. لذا قال تعالى برضو في الجزء التلاتين يومئذ يصدر الناس اشتاتا ليروا اعمالهم. قال لك يعني ايه يصدر؟ يعني ربنا وصف خروج الناس من القبور - [00:11:40](#)

بكلمة يصدر العلماء بتوع اللغة وقفوا قالوا لأ. ده الواحد عشان يصدر عن بئر لازم يكون ورده قبلها. قالوا يعني ايه؟ قال لك معنى ان ربنا شاب قال عن خروج الناس من القبور. كلمة يصدر يبقى الناس كانت وردت شيء في القبور الاول - [00:12:00](#)

يعني معناها ان ربنا شبه القبور بالبئر كل واحد نازل يشرب منه الذي اطاع الله سيشرّب من منهى العذب. والذي فعصى الله والعياذ بالله قد يشرب من العذاب الا ان يعفو الله. عشان كده يا اخواني في الله النبي عليه الصلاة والسلام كان بيربي الصحابة في القبور - [00:12:20](#)

زي ما كان بيربي الصحابة في دار الارقم. اخواني في الله. بنتكلم عن الموت ليه؟ ايه سواب ان احنا نفتكر الموت؟ ايه سواب ان احنا نفتكر لقاء الله ايه ثواب ان احنا نفتكر الدار الآخرة؟ مر رجل ممن كان قبلكم. الحديث صحيح عن النبي عليه الصلاة والسلام. مر رجل ممن كان قبلكم - [00:12:40](#)

جمجمة عارفين الجمجمة وهو ماشي في اي طريق صحراوي ولا في اي طريق سفر فلقى جمجمة بني ادم ده كان في يوم من الايام بني ادم وكان بيضحك وكان بيحلم وكان بيفرح وكان بيحزن وكان بيغضب وكان بيخطط وكان بيفكر وكان بيتكبر وكان بيتواضع - [00:13:00](#)

وكان له امل وطموحات بص للجمجمة كده ده كان بني ادم ده كان انسان زبي في يوم من الايام ولا يدري انه في يوم من الايام  
توصل للحالة دي مر رجل ممن كان قبلكم بجمجمة فنظر اليها. قعد يبص كده ويفجر ده كان انسان نفسه في كرسي ده كان -

00:13:20

انسان نفسه في شهوات ده كان انسان ده كان بيعمل ايه. ثم حدث نفسه قعد يكلم نفسه. المنزر وقفه المنزر خلاه يقف ويفكر ثم قال  
اللهم انت انت وانا انا انت العواد بالمغفرة وانا العواد - 00:13:40

ذنوب الراجل استيقظ. الراجل قلبه فاق. لما شاف هذا المنظر ثم خر ساجدا من كثر الانفعال اللي في قلبه ساجد لله فسمع صوتا يقول  
انت انت وانا انا انت العواد بالذنوب وانا العواد - 00:14:00

المغفرة ها ارفع رأسك فقد غفرت لك. الراجل لانه تذكر الموت ربنا غفر له كل ذنوبه. لان وقف قدام الموت ربنا غفر له كل ذنوبه. يبقى  
تذكر الموت بيورث مغفرة جميع الذنوب. بيورس يقظة في القلب ومغفرة لكل - 00:14:20

كل الذنوب هل تعلمون الحديس الصحيح عن النبي صلى الله عليه وسلم انه كان ملأ من بني اسرائيل مجموعة كده من ايام بني  
اسرائيل ولكن ناس بتفكر في الموت. فذهبوا الى المقابر وقالوا رايحين يزوروا القبور. وهم قاعدين في المقابر بيفكروا كده. احنا في  
يوم من الايام هنيجي هنا - 00:14:40

وهنسكن هنا فيه ناس عاشت فوق التراب عشرين ثلاثين سنة وبقالها في المقابر ثلاث اربع تلاف سنة ما كانوش يعرفوا ان السنتين  
ثلاثة فوق التراب وكذا الف سنة تحت التراب. قاعدين يفكروا هو ده السكن بتاعنا! احنا جاهزين ندخل هنا! احنا جاهزين يغلق علينا  
هذا القبر في اي لحظة - 00:15:00

وهم بيفكروا فقال بعضهم لبعض. لو ان الله احيا لنا ميتا فنسأله عن الموت. اه لو ربنا يحيي لنا واحد من دول نسأله كده الموت ده  
شكله ايه؟ الموت ده وصفه ايه؟ فبينما هم يتحدثون. اذ قام رجل من بين الاموات. الله سبحانه - 00:15:20

وتعالى لانهم طلاب اخرة. ولانهم عايزين يوصلوا لربنا. ربنا اجرى لهم هذه المعجزة. فقال اني ان لي مائة عام انا مت من مية سنة ان  
لي مئة عام لم تذهب عني حرارة الموت حتى كان الان. بيقول لهم انا ميت بقى لي ميت سنة - 00:15:40

حرارة الموت لم تذهب الا يعني في الوقت اللي احنا فيه ده. فادعوا الله ان يردي ميتا. انتم انتم جايين عايزين ايه انتم جايين  
بتطلبوا ايه؟ اخواني في الله تذكر الموت بيرقق القلوب. تذكر الموت بيحث القلب على السير الى الله. تذكر - 00:16:00

بيكوي مواضع الشهوات في قلب الانسان. فيجعل الانسان يخاف ان يتقدم الى ما حرم الله. سبحانه وتعالى بس نفتكر ايه في الموت؟  
تعالوا كده. تعالوا ندخل مع بعض المقابر. تعالوا مع بعض كده. يعني هي المقابر المفروض نزورها. طب تعالوا نخليها هي اللي تزورنا -

00:16:20

تعالوا ندخل مع بعض كده ونبص لملح ملح في المقابر ونبدأ نفكر المكان ده المكان ده احنا هنسكن فيه يا جماعة المكان اللي احنا  
في ده انت لما هتبص في الاول هيتقال لك ان فيه عدد قليل. المكان ده فيه مئات اضعاف كل اللي عايشين على وجه الارض. ليه؟ لان

- 00:16:40

الاجساد بتبلى فما حدش بياخد باله العدد فيه قد ايه. المكان ده كل قبر مفتوح فيه كأنه فم اسد مفتوح. ما تعرفش ده هيلتهم مين؟  
ما تعرفش ده هيغل على مين؟ ما تعرفش صاحبه الوقتي بيعمل ايه؟ كل واحد من اللي ميتين دول ما تعرفش ربنا ختم له بايه -

00:17:00

مات على ايه؟ مات على طاعة ولا على معصية؟ احد الناس وهو يموت قالوا له قل لا اله الا الله. قال لهم تنفعني بايه؟ وانا عمري ما  
سجدت له ولا سجدة واحدة. تخيل ده منزر اخر مشهد لواحد وهو يموت. واحد تاني من المسلمين - 00:17:20

بيقولوا له عند الموت قل لا اله الا الله. قال لهم هعمل بها ايه؟ وانا عمري ما سبت معصية الا وعصيته بها. تخيل احد يعني مشايخنا لما  
غرقت عبرت سالم اكسبريس فهرع الناس هرع الناس الى هناك من اجل ان يغيثوا - 00:17:40

المنكوبين فبيقول لقي واحد بيموت فبيقول له قول لا اله الا الله. الراجل بيصرخ بيقول الشنطة الفلوس شقى عمري يعني الشيخ

بيقول له احنا في ايه؟ قل لا اله الا الله. ده انت مقدم على عالم على لقاء الله. الراجل لا يزال يصرخ. الشنطة - 00:18:00

فلوس شقى عمري بيقول زل يصرخ الشنطة الفلوس شقى عمري حتى مات ولم ينطق كلمة لا اله الا الله سبحانه الله العظيم. اللي

ماتوا دول كل واحد مات على خاتمة شكلها ايه. احيانا بتشوف بعض الخواتيم يتهاى لك - 00:18:20

تقول ده مش ميتم ده فرح. المفروض ده ما يتعملوش ميتم. المفروض اللي مات الموتة دي يتعمل له فرح. هل تذكرن الشيخ كشك رحمه الله؟ الشيخ كشك اللي مات فيه صباح يوم جمعة جه يوم الخميس بالليل نادى ابنه قال له يا ابني النبي عليه الصلاة والسلام

مات وهو عنده كم سنة - 00:18:40

قال له مات وهو عنده ثلاثة وستين سنة قال له الحمد لله انا الليلة اتميت ثلاثة وستين سنة. ثاني يوم اللي هو يوم الجمعة الصبح صلى فجر وقعد جلسة الضحى قعد جلسة الضحى حتى اشرقت الشمس. وبعد كده نادى مراته قال لها انا شفت الليلة النبي عليه

الصلاة والسلام - 00:19:00

وشفت سيدنا عمر يقف بجانبه امرني النبي ان اسلم على عمر ابن الخطاب رضي الله عنه. فلما سلمت على عمر وقال اعط ميتا بين النبي وبين عمر. فالنبي عليه الصلاة والسلام هو اللي غسلني بنفسه. فزوجته قالت له انت بتحكي لي الحلم الوحش ده ليه؟ قال لها -

00:19:20

ومن ادراك اني لا اتمنى ان اموت هذه الموتى. هو الواحد يطول ان يموت الموتة ديت وهو بجوار النبي عليه الصلاة والسلام. ثم دخل ليغتسل في الغسل الجمعة اغتسل غسل الجمعة وخرج بسرعة عشان يصلي ركعتين وينزل المسجد يبكر الى صلاة الجمعة وهو في

اول ركعة وهو - 00:19:40

هو في اول سجدة مات رحمه الله. الموتة دي ميتم ولا فرح؟ اللي يموت كده ميتم ولا فرح اللي يموت بالطريقة دي الواحد احيانا يسمع عن موتات بعض الناس. بعض الصالحين او بعض الصالحات فيظن يا اخواني ان المفروض ان احنا نعمل لده فرح مش نعمله -

00:20:00

ميتم احد اخواني في مسجد من مساجد القاهرة بيقول جاءتني رسالة يعني فلان شاب عنده خمسة وعشرين سنة مات. فالصلاة في المسجد الفلاني فبيقول رحت عشان اصلي عليه. فدخلت لقيت ناس جاية من كل حطة. فبقول لهم مين فلان ده يا جماعة؟ ما حدش

عارف. الله! اومال انتم جايين ليه - 00:20:20

احنا جالنا رسالة عرفنا ان في واحد مات. طب مين فلان يا جماعة ما حدش عارف بيقول شوية والمسجد اتملى قبل ان تصل ان يصل ذلك الشاب الميت فشوية المسجد اتملى لدرجة ان هو يعني بيقول ده لو كان شخصية مشهورة يعني مين ده؟ وكل الناس ما

هياش عارفة - 00:20:40

مين اللي ربنا جمع له القلوب عشان تصلي عليه بقى؟ فبدأوا يسألهم فعرفوا من واحد ان ذلك الشاب ختم كتاب الله. سأل واكثر عرفوا

انه كان بيحفظ الاطفال القرآن. سألو اكثر عرفوا انه كان بيوصل صدقات للاسر الفقيرة. سأله اكثر - 00:21:00

عارفه انه كان بيصوم صيام داوود يصوم يوما ويفطر يوما فبيقول لما دخلت الجسد في المسجد امتلأت رائحة المسجد سبحانه الله العظيم! ثاني يوم احد اخوانه احد الشباب يعني اصحابه شافوا في الرؤية فقال له انت مش حزين ان انت مت وانت - 00:21:20

عز شبابك انت مش حزين ان انت مت وانت عندك خمسة وعشرين سنة قال له احزن ازاى؟ وانا بافطر واتغدى واتعشى مع سيدنا

عثمان بن عفان رضي الله عنه. سبحانه الله! عثمان مات صائم وذلك الشاب كان يصوم يوما ويفطر يوما - 00:21:40

فلعلها رؤيا صدق اخواني في الله. احد اخوانا خرج من منزله وترك زوجته في المنزل وذهب الى العمل. المنزل وقع انهار فهم بيشيلوا

الانقاض وجدوا زوجته ميتة وهي تحتضن المصحف واخدة المصحف في حضنها. ماسكة كتاب الله في حضنها. اخر حاجة -

00:22:00

ختم لها بها وهي تقرأ في كتاب الله. وهي تقرأ في المصحف. فهل هذه الموتى يتعمل لها ميتم؟ ولا يتعمل يا فرح الواحد شاف مشهد

لواحد مات في المسجد النبوي وهو ساجد. الراجل نزل سجد. الناس خلصت صلاة وده لسة ساجد. بيهزوك - 00:22:20



لقوه ميت مصورينه والعساكر لافين حواليه مانعين الناس انها تقرب منه. والناس بتبص له بحسد. يعني اول ميت يتحسد في الدنيا كلها. اول مرة ميت يتحسد. الناس بيبصوا له بحسد. يا بختك على الموتة دي. يا بختك وانت ميت - [00:22:40](#)

ساجد في مسجد النبي عليه الصلاة والسلام. موتى تحسد ان صاحبها يعني ربنا اصطفاه لهذه الموتى كنت داخل المقابر. يا ترى كل واحد من دول مات على ايه؟ يا ترى ده مات على حسن خاتمة؟ ولا ده مات على سوء خاتمة؟ ولا ده مات على ايه؟ احد - [00:23:00](#)

احد اخوانا على طريق الساحل الشمالي يعني شاب من الشباب رايح حفلة رايح طالعة رايح يعني ما يذهب كثير من الشباب الشاب منطلق بالعربية بتاعته. العربية عملت حادثة. تحولت لقطعة من الصفيح تحيط بجسد الشاب ده. يعني اتحبس - [00:23:20](#)

جوة صفيح العربية قعدوا جابوا منشار وظلوا ينشروا في صفيح العربية ثلاث ساعات عشان يخرجوا الشاب اللي داخلها. صاحبي بيقول يعني ذلك الاخ بيقول الشاب مات قبل ما يشيله الصفيح. ولكن يعني ظل فترة حي وكان يصرخ من داخل - [00:23:40](#)

كانوا بيتخيلوا بيقول ايه؟ الكلمة اللي بيقولها كلمة غريبة جدا. بيقول انا مش عايز اموت كده. انا مش عايز اموت كده. طب لما ما انا مش عايز اموت كده. عشت كده ليه؟ ما هو من عاش على شيء مات عليه. من عاش على شيء مات عليه. انا لو طالب بذاكر خمستاشر ساعة في اليوم - [00:24:00](#)

وانت فت علي فجأة هتلاقيني بذاكر لان دي حياتي. لو واحد على طاعة حياته على طاعة لو ملك الموت نزل فجأة هيلاقيه على طاعة حياته. لو واحد على معصية لو ملك الموت نزل فجأة يلاقيه على معصية. لان دي حياته. احد اخوانا اتصلت به ام فيه - [00:24:20](#)

يعني في مصر قالت له ابني بيموت بيموت بحق وحقيقي مش تعبان بيموت. تعال عشان يعني تقف جنبه في هذه اللحظات. فذهب بيقول دخل فلقى شاب على الفراش وفعل بيموت ولكن عينيه مليانة فزع رهيب ومليانة خوف فبيقول قعد يطبطب عليه ويقول له ما تخافش - [00:24:40](#)

رحمة ربنا واسعة. رحمة ربنا عظيمة. ربنا هو الغفور الرحيم. ربنا ارحم الراحمين. عايز يخليه يحسن الظن بالله. وهو في هذه لحظات بيقول الشاب اخذ يبكي وهو يصرخ ويقول رحمة ربنا مش لي انا. انا زني انا شربت مخدرات. انا عملت - [00:25:00](#)

في كل حاجة فبيقول قعد يطمئن فيك ويذكره باحاديث الرحمة واحاديث المغفرة واحاديث كرم الله. الشاب صمت تماما سكت خالص وهذا بيقول شوية سم فتح عينيه مرة اخرى وظل يبكي مرة اخرى ويقول طب والزنا طب - [00:25:20](#)

والمخدرات طب والزنا؟ طب والمخدرات؟ طب والزنا؟ وكانت اخر كلمة قالها قبل ان يموت رفع لسانه بها لم يخفض لسانه الا وهو ميت. تخيل! ده يعني مات على زنب اشد من الزنوب اللي هو بيصرخ منها. وهو - [00:25:40](#)

سوء الظن برحمة الله والعباد بالله. ربنا يغفر للمسلمين اجمعين. ولكن اخواني في الله هنقابل ربنا على ايه؟ اللي انت عايش عليه هو اللي انت هتموت عليه اللي انت بتعمله. يعني فيه واحد ما هوش عايش على معصية ولا عايش على طاعة بيسموه الغافل. يعني ايه الغافل؟ اللي مش في دماغه انه يقرب من ربنا - [00:26:00](#)

اللي مش من اللي مش اكبر اهتمام في حياته انه يرضي ربنا. انه يعبد ربنا. اللي بيضيع ايامه ولياليه. يا اخواني في الله لو واحد منا ضاع منه ورقة بمية جنيه هيفضل اسبوع زعلان عليها. وهي قول لو لقيتها تعمل بها وهعمل بها. في حين ان ممكن يضيع منا اسبوع - [00:26:20](#)

فيها صيام ولا قيام ولا طاعة وما هواش حاسس انه زعلان. لو واحد وقف قدام المسجد الوقتي ونزل من عربية فاخرة ونزل ولايس لبس فاخر وطلع ورقة ورق. كل ورقة بمتين جنيه. الف الجنيهات. احنا مش عارفين هيتصدق بها على فقراء ولا هيشترى - [00:26:40](#)

حاجة طلع ولاعة وقام مولع فيها نار. الكل هيقول عليه ايه؟ مجنون ليه؟ بيحرق فلوسه. يا اخواني في الله اللي بيحرق عمره اشد من هذا الرجل. الرجل ده بيحرق فلوس ممكن بكرة يعوضها. ممكن بكرة يكسب اكثر منها. ولكن اللي بيحرق عمره - [00:27:00](#)

هيعوضوا امتى؟ هيعوض ايام قليلين امتى؟ رمضان خلص من اكثر عشر تيام يا ترى مين فينا فتح المصحف بعد رمضان مين فينا

بدأ ختمه قرآن بعد رمضان ميين فينا اجتهد في الطاعة والعبادة بعد رمضان انت خارج من رمضان - 00:27:20

صفحة بيضة يا ترى مليت فيها ايه ؟ لعل ربنا غفر لنا ذنوبنا في رمضان. كل واحد مننا خارج من رمضان صفحة بيضاء. الصفحة البيضاء دي انت مليت فيها ايه - 00:27:40

ايه ؟ انت هتملى فيها ايه ؟ ونحن على اعتاب المقابر ونحن على اعتاب هذه الزيارة. واول خاطرة بنفكر فيها هي خاطرة يا ترى الناس دي ماتت على ايه ؟ يا ترى كل واحد من دول المشهد الاخير في حياته قبل ان يتحول الى ساكن من سكان القبور - [00:27:50](#) كان ايه ؟ اسأل الله سبحانه وتعالى ان يرزقنا حسن الخاتمة. اقول قولى هذا واستغفر الله لى ولكم. الحمد لله وكفى وصلاة وسلاما على عباده الذين اصطفى. اما بعد الهاكم التكاثر حتى زرتم المقابر. حتى زرتم المقابر. لما الانسان بيزور المقابر ويبدأ - [00:28:10](#) يفكر تعالوا يا جماعة نبص لاي قبر مقفول. قبر مقفول يعني فيه واحد ميت جوة. وتعالوا نبص عليه كده. يا ترى ده النبي عليه الصلاة والسلام بيقول ما رأييت مشهدا الا والقبر افطع منه. ما فيش مشهد على وجه الارض ابشع من مشهد القبر. سيدنا عثمان ابن عفان كان اذا رأى القبر بكى - [00:28:30](#)

ممكن يفضل تلت تيام يبيكي قالوا له انت بتبكي من الموت ولما بتتكلم عن يوم القيامة ما بتبكيش ليه؟ قال لهم ان امرا ان هذا اوله مشهد القبر ده ده البداية. ده اول ملمح في الاخرة القبور دي بوابة الدار الآخرة. القبور دي الملمح - [00:28:50](#)

واحد من الاخرة اللي موجود وسطنا في الدنيا ان امرا هذا اوله هو ده العنوان بس يا رب. امال الاخرة شكلها ايه؟ ان امرا هذا اوله لحري بان يستعد له. وان امرا هذا اخره. هو ده نهاية الدنيا؟ المشهد - [00:29:10](#)

حد اخر الدنيا اخر صراع المال والمناصب والشهوات والمراكز. اخر صراع وجري الوحوش في الدنيا ده ده المشهد الاخير في حياة كل البشر بلا استثناء. وان امرا هذا اخره لحري بان يزهده فيه. ايه قيمة - 00:29:30

الدنيا لما ده نهاية الدنيا والله يا اخواني قالها رسول الله صلى الله عليه وسلم والواحد حاسس بها ما رأيت منظرا الا والقبر افطع منه. ابشع منظر على وجه الارض. هو منظر الانسان بعد ما يموت. ابشع منظر. منظر الانسان بعد - 00:29:50

كم من موته والدود ينهش فيه والعفن يتسلل الى كل ذرة والى كل عضو في جسده. ده اللي كان بيجري في الدنيا وده اللي كان بيحلم وده اللي كان بيخطط وده اللي كان بيعمر وده اللي كان عايز يكبر. وده وده. سبحان الله! الوقتي بقى القبر مقفول عليه -

00:30:10

فاصل ما بين عالم وعالم ثاني خالص. الله اعلم هو فين كل قبر من دول اما روضة من رياض الجنة واما حفرة من حفر النار. احد شباب كان مفتون بممثلة من الممسلات العالمية رآها رأى صورة لها بعد موتها بست ساعات. يقول فما عدت اطيق - 00:30:30

ان اسمع اسمها اصلا مش ان هو يتفرج على حاجة لها. بيقول لم اعد اطيق ان اسمع اسمها. طب سيبك من القبر المقفول. تعال نبص على القبر مفتوح. تعال نبص على القبر اللي لسة ما حدش دخل فيه. يا ترى يا اخوانا مين اللي هيسكن في ده؟ يا ترى يا جماعة اللي

00:30:50 - هيسكن في ده مين؟ ممكن يكون

واحد هيسكن بكرة وممكن يكون الكفن بتاعه اتجهز في المسجد اللي جنب بيته. وهو بييجري في الدنيا وما هواش عارف. مين فينا فكر افرش قبره من الان. مين فينا فكر انه هيفرش القبر بتاعه؟ ما هو احنا عاملين زي واحد عنده شقتين كل ما يجي له فلوس

00:31:10 - يفرش شقة

منهم يجي له فلوس يركب ستاير في نفس الشقة. يجي له فلوس يشتري عفش لنفس الشقة. يجي له فلوس. يركب تكييفات في نفس الشقة وسابب التانية خرابة. فجأة قالوا له تعال بقى انت هتسبب دي وهتعيش في التانية اللي انت ما عملتش فيها حاجة. كيف

00:31:30 - يفرح بهذا؟ الناس

ساكنة سكينين. السكن اللي في بيتها الوقتي والسكن اللي هتسكنه في القبر. السكن اللي في بيتها ده ممكن يبقى عشرين تلاتين خمسين سنة. السكن اللي في القبر ممكن يبقى الف الفين سنة الله اعلم يوم القيامة امتي ؟ فيه ناس بقى لها خمس تلاف سنة في

القبور. ولم تكن تدري بهذا السكن - 00:31:50

احنا بنعمر في السكن بتاع الدنيا. مين فينا بيفرش قبره من الان؟ مين فينا بيفرش في القبر؟ مين فينا بيعمر القبر بالاعمال الصالحة بيفرش القبر. الصيام بتاعك هيفرش لك قبرك. القيام بتاعك هي نور لك قبرك. عبادتك لله. هتخلي قبرك - [00:32:10](#)

على الجنة انت متخيل كده يعني ايه اغلى شقة في بورسعيد هنا بكام ؟ اغلى شقة يقول لك دي بكزا مسلا. طب ليه ؟ يقول لك ده بتطل مسلا على البحر مسلا شقة واسعة وبتطل على البحر وياه بحر فيو طب تخيل بقى ان اللي من اهل الجنة في قبر - [00:32:30](#)

بيفتح له باب الى الجنة يعني ايه ؟ يعني جنة في يوم. يعني بيطل على الجنة. وكل يوم المشهد بيتغير يشوف مشاهد من نعيمه في الجنة غير اليوم اللي قبله. يعني ممكن واحد يسكن في شقة يقول لك ده بتطل على النيل النهاردة. بكرة تلاقيها بتطل على الساحل الشمالي. بعده تلاقيها بتطل على - [00:32:50](#)

البحر المتوسط ما ينفعش في الدنيا. انما تخيل ان الذي سعد في قبره ساكن في شقة بتطل على الجنة والجنة بيتغير مشهد النعيم بتاعها حتى يفرح الله قلبه وهو في قبره ويشوقه الى يوم لقاء الله والى - [00:33:10](#)

الى يوم جوار الله في الجنة. اخواني في الله تدبر كده في القبر المفتوح. مين فينا جاهز انه يدخل القبر ده دلوقتي؟ مين فينا جاهز؟ انه يسكن في هذا القبر الان. طب تدبر في التراب اللي ما بين المقابر واحنا ماشيين بندوس على تراب. التراب ده ممكن لو مسكت كبشة منه كان وجه - [00:33:30](#)

اجمل امرأة في بورسعيد كلها من خمسين سنة. او كان جزء من جسد اقوى شاب في بورسعيد كلها من ستين سنة ما تعرفش كل دي كانت بشر. كل دول كانوا اجساد. ولكن تحولوا الى تراب. وتفرق التراب في الارض. حتى تأتي لحظة البعث. فيجمع - [00:33:50](#)

الله تراب كل جسد الى جسد صاحبه حتى تنفخ فيه الروح ثم يقوم ليحاسب بين يدي الله. لو سألنا يا جماعة لو سألنا ملايكة الموت. لو سألنا ملايكة الموت اللي بقى لهم كذا الف سنة بيقبضوا ارواح البشر. لو سألناهم وقلنا لهم تقولوا للناس - [00:34:10](#)

تخيلوا انا متخيل انهم هيقولوا ما حدش بيتعلم. ما حدش بيتعلم. كل واحد يبجي يغفل يموت اللي بعده بدل ما يستيقز يكمل غفلة وبعد كده يموت. لو سألنا واحد ميت واحد مات لو رحنا للمقابر وربنا احيانا الموتى وسألنا - [00:34:30](#)

وربنا احياهم لنا. تتمنوا ايه ؟ هيقولوا نتمنى يوم زي اللي انتم فيه ده. نتمنى يوم زي اللي انتم فيه نعبد فيه ربنا ونموت تاني نتمنى ساعة زي بتاعة يوم الجمعة اللي انتم داخلين عليها ما بين العصر والمغرب ساعة الاجابة ده ندي ربنا بالمغفرة - [00:34:50](#)

الرحمة ونموت تاني ولكن منا يا اخوانا اللي عنده الفرصة دي ولكن بيضيعها ولكن مش مقدر قيمتها. الحديس اللي بيهزك قلب الواحد الحديس اللي بيحسس الواحد خطورة القضية قد ايه ؟ حديس النبي صلى الله عليه وسلم. وهو وهو يوقف - [00:35:10](#)

في العمر اللي بينزف منا وهو يقول ما من ساعة الحديس ده بيحسس الواحد فعلا خلاصة الدنيا كلها. النبي عليه الصلاة والسلام في سطر بيقول لك الخلاصة ما من ساعة مش ما من سنة ولا شهر ولا اسبوع ولا يوم. ما من ساعة طب - [00:35:30](#)

مروا بابن ادم لا يذكر الله تعالى فيها. ساعة مش عصى ربنا فيها. ساعة ما ذكرش ربنا فيها ما من ساعة تمر بابن ادم لا يذكر الله تعالى فيها الا حسر عليها يوم القيامة. هيعض على ايدك - [00:35:50](#)

يوم القيامة. يا اخوانا الساعة غالية. عمرنا غالي. عمرك غالي. ايامك غالية. كل ساعة ممكن تقرب فيها مرة ربنا النهاردة الجمعة الساعة اللي قبل المغرب ساعة اجابة. ممكن تسأل الله الفردوس الاعلى فيعطيك اياها. يبقى الساعة دي لما تضيع - [00:36:10](#)

وتبجي يوم القيامة تلاقي واحد بسبب الساعة دي دخل الفردوس الاعلى. الواحد يندم ولا ما يندم. اخواني في الله كفى بالموت واعظا. فقد قال رسول الله صلى الله عليه وسلم لولا الا تدافنوا لولا الا تدافنوا ما كانش حد دفن حد. لدعوت الله - [00:36:30](#)

ان يسمعكم من عذاب القبر. النبي عليه الصلاة والسلام بيقول لك انت مش لو شفت اللي جوة القبور انت لو سمعته بس. ما عايش حد هيدفن حد ما عايش حد هيجرؤ انه يقرب من المقابر اصلا. امال لو شفنا يا رسول الله! اومال لو شفنا قال رسول الله صلى الله عليه وسلم لو تعلمون ما - [00:36:50](#)

اعلم لو شفته بقى مش لو سمعته بس. لو شفته كمان لو تعلمون ما اعلم لضحكتم قليلا. ولبكيتم كثيرا وما تلذثتم بالنساء على الفرش. ولخرجتم الى الصعوبات. ولخرجتم الى الصعوبات. تجأرون الى الله تعالى - [00:37:10](#)



النبي عليه الصلاة والسلام يقول اللي يشوف بقى ويعرف قدر الخطر الحقيقي. ويعرف مآل الامتحان اللي احنا مقدمين اخواني في الله سبحانه الله العظيم. واحنا بنزور المقابر واحنا بنشوف احوال الناس في المقابر. يا ترى مقابر المسلمين بيحصل فيها ايه -

00:37:30

ترى المقابر دي لما النبي عليه الصلاة والسلام قال في حديث ابي هريرة ان الميت اذا وضع في قبره فانه يسمع قرع نعالهم اذا لو مدبرين الميت بيسمع سامع الناس وهي ماشية. الناس وهي واقفة كده على القبر لحد ما اتقفل. وبعد كده الكل ماشي بقى والبقاء لله البقاء لله - 00:37:50

حتى صوت الاحذية وهي بتدب في الارض ماشية بعيد عنه. وعرف انه بقى لوحده وعرف انه اتساب وعرف انه ليس ليس له مؤنس في تلك الوحشة الا بالعمل الصالح. ساعتها يفتكر فرص العمل الصالح ويتمنى لو كان ملئ حياته - 00:38:10

والعمل الصالح قد ايه؟ فان كان مؤمنا جاءت الصلاة عند رأسه. الصلاة تيجي عند راسه. وجاء الصيام عن يمينه وجاءت الصدقة عن شماله وجاء فعل الخيرات عند رجليه. عارف يعني ايه؟ يعني مش بودي جاردات - 00:38:30

ده ايه ده جدران حماية. الصلاة جاية تقف عند راسه ما حدش هيقرب منك. الصيام بييجي يقف عن يمينه. الصدقة عن شماله فعل الخيرات بين رجليه. ليه؟ العمل الصالح اللي عمله جاي بيحميه. فيؤتى من قبل رأسه. تيجي ملايكة عذاب تريد ان - 00:38:50

تنالوا بالمعاصي اللي عملها. فتقول الصلاة ما قبلي مدخل. ما حدش هيقرب منه من ناحيتي. فيأتون فيؤتى عن عن يمينه فيقول الصيام ما قبلي مدخل ما حدش هيقرب منه. فيؤتى عن شماله فتقول الصدقة ما قبلي مدخل ما حدش - 00:39:10

قرب منه فيؤتى من عند رجليه فيقول فعل الخيرات ما قبلي مدخل؟ ما حدش يعرف يقرب منك ليه؟ لانك كنت انت محصن نفسك بالاعمال الصالحة في الدنيا. لانك كنت محصن نفسك بالاعمال الصالحة والاجتهاد فيها في الدنيا. طب لو الناحية الثانية بقى والعياز بالله اللي كان - 00:39:30

وكلاهما مسلم وكلاهما في مقابر المسلمين. اما الاخر فيؤتى من عند رأسه فلا يوجد شيء ما فيش عمل صالح يحميك. فيؤتى من عن يمينه. فلا يوجد شيء فيؤتى من عن شماله. فلا يوجد - 00:39:50

شيء فيؤتى من عند رجليه. فلا يوجد شيء. كل ما ملايكة جاية عشان تسأله او تحاسبه على معاصي عملها. ما فيش ما فيش اعمال صالحة تحميك. ما فيش اعمال صالحة. تدافع عنه. الواحد يتمنى ان يبقى اي واحد من الاثنين دول هذا وذاك يحدثان في مقابر المسلمين - 00:40:10

اخواني في الله ربنا يبارك فيكم. وربنا ينزل هدايته على قلوبنا. وربنا يجعلنا اصلح الخلق. وربنا يجعل ايماننا القادمة مليئة بالعبادة وبالطاعة. وربنا يستعملنا في كل ساعة من اعمارنا في طاعته وفي الاجتهاد في طاعته. اخواني واحبابي - 00:40:30

امطار قصيرة والايام قليلة وقد انقضى رمضان ولا يتخيل احد ان رمضان قد انقضى. احنا لسة بيقلولوا رمضان دخل يومين وقالوا له رمضان مشي انقضى رمضان وسينقضي العمر كما انقضى رمضان. زي ما رمضان خلص. العمر هيخلص يا جماعة وهيخلص بسرعة.

00:40:50 سيدنا -

نوح سئل في الاثر كيف وجدت الدنيا يا نوح يا اللي عشت تسعمية وخمسين سنة؟ قال وجدتها بيتا له بابان دخلت من احدهما فخرجت من الاخر. قال لهم الدنيا دي ولا كأنها لحظات انقضى رمضان وسينقضي العمر كما انقضى رمضان. اخواني في الله من كان -

00:41:10

اعبد رمضان فان رمضان قد فات. ومن كان يعبد الله فان الله حي لا يموت. سنة ورا سنة بتتسحب من اعمارنا وصحف تتقفل وتطوى ولن تفتح الا يوم القيامة. هتتفتح على ايه؟ اوعى تهدي اللي انت بنيت في رمضان. اوعى تضعي اللي انت كسبت في رمضان. اوعى -

00:41:30

تفرط في اللي انت فزت به في رمضان. يا اخوانا لو كل اي واحد منا ورس الوقت عشرين مليون جنيه هيزيعهم هيدهم ولا حافز عليهم. انت خارج من رمضان معك بازن الله ملايين الحسنات. حافز عليها. حافز على حسناتك. اوعى تعمل سيئات تضعيها -

اوعى ترائي فتحبط تلك الحسنات والعياذ بالله. حافظ على الحسنة. عشان كده ربنا بيقول من جاء بالحسنة. ما قالش من الحسنة فيه ناس كتير فعلت الحسنات في رمضان. ولكن تضيعها بزنب بعد رمضان. تضيعها بزنب بعد رمضان. اكثر ليلة - [00:42:10](#)

ربنا بيعصى فيها في الامة كلها هي اول ليلة بعد رمضان. ليلة العيد الصغير. اكثر ليلة ربنا بيعصى فيها. في الامة هي اول ليلة بعد رمضان فيه ناس بتضيع اللي هي عملته في رمضان من اول ليلة. لازم تحافظ على اللي انت عملته. لازم تحافظ على اللي انت كسبته. لازم تحافظ - [00:42:30](#)

الحسنات اللي ربنا اداها لك. اخواني في الله احنا واقفين الوقتي خارجين من رمضان. ما نعرفشي مين المقبول ومين اللي ما قبلش فينا ناس من اللي قاعدين قدامنا دلوقتى فازوا بليلة القدر. فازوا بتلاتة وتمانين سنة عبادة. المؤشر بتاع الحسنات قفز تلاتة وتمانين سنة عبادة - [00:42:50](#)

وفينا ناس كسلت وما فازتش بها. مين ده؟ ومين ده؟ ما نعرفش. فينا ناس ربنا عفا عنها. لما قالت اللهم انك عفو كريم تحب العفو فاعف عني. عفو ملكي يعني دخول الجنة بلا حساب ولا عذاب. وفينا ناس لم يعف عنها. فينا ناس فازت بابواب الجنة التمانية -

[00:43:10](#)

وفينا ناس لم تفز بها. مين ده ومين ده؟ الله اعلم. فينا ناس اعتقت رقابها من النار. وفينا ناس لعل لم يعتق رقبتها من النار في رمضان هذا. مين ده؟ ومين ده؟ الله اعلم. طب اعرف منين؟ اعرف منين انا اتقبلت ولا لا؟ اعرف منين انا فزت ولا لا؟ - [00:43:30](#)  
اعرف منين ربنا عام ابا الاعمالى في رمضان ولا لا؟ لو اتغيرت بعد رمضان يبقى انت قبلت في رمضان. لو ربنا فتح لك ابواب الطاعة بعد رمضان. يبقى انت ربنا قبلك في رمضان. عايز تعرف انت اتغيرت ولا لا. اللي هيرجع بعد رمضان زي ما كان قبل - [00:43:50](#)  
يبقى رمضان ما قصرش فيه ولا غير فيه حاجة. ولكن لو ربنا فتح لك ابواب طاعة لو حسيت انك بتتغير. عبادة جديدة جت في حياتك ايمان جديد زاد في قلبك. اخلاق جديدة جات في معاملتك. تعفف عن حرام لم تكن تتعفف عنه من قبل. يبقى بازن الله ربنا قابل - [00:44:10](#)

منك ربنا قابل منك رمضان اللي راح منه رمضان ما يحزنش لان مواسم الخير لا تنتهي. الست ايام من شوال اهو على شوال يبجي تمناشر يوم. الست ايام من شوال اهو. من منا سيصومهم؟ ان لم يكن صامهم حتى الان. ده موسم من مواسم العبادة. بس -

[00:44:30](#)

صام رمضان ثم اتبعه ستا من شوال فكأنما صام الدهر فكأنما صام الدهر لسة العشر الاوائل من ذي الحجة جاية مواسم العبادة لا تنتهي. من اجتهد في رمضان احذر النعيم لا يدرك بالنعيم. والمؤمن اذا ارتاح غفل - [00:44:50](#)  
اللي عايز يسبت بعد رمضان يطبق قول الله فاذا فرغت فانصب. كل ما تخلص عبادة ادخل في العبادة اللي بعدها. ما تريخش لو الشيطان هيجيبك وانت قاعد بلا طاعة. ما تريخش. ادخل من عبادة لعبادة. ادخل من طاعة لطاعة. اوعى تضيع حسنات - [00:45:10](#)  
رمضان بقطيعة الرحم اوعى تضيع حسنات رمضان بقطيعة الجيران. اوعى تضيع حسنات رمضان بمال حرام. اوعى تضيع يا حسنات رمضان باكل ورس يتامى. اوعى تضيع حسنات رمضان بظلم للعباد. اوعى تضيع حسنات رمضان - [00:45:30](#)  
بظلم الزوجة او لولد اوعى تضيع حسنات رمضان بشهوات ونظر للحرام. اوعى تضيع حسنات رمضان بقنوات كده تبث الحرام. اوعى تضيع حسنات رمضان بمواقع فاجرة تبث تبث العري والفجور. اوعى تضيع حسنات رمضان - [00:45:50](#)

بانك انت بانك انت تفسد في الاخلاق والمعاملات فتضيع حسنات العبادات. اخواني في الله احنا خارجين بكنز من رمضان نحافظ عليه ونواصل. اسأل الله سبحانه وتعالى ان يمن علينا بالهداية. اللهم اهد قلوبنا. اللهم اهد قلوبنا. اللهم اصلح - [00:46:10](#)

احوالنا اللهم تب علينا لتتوب. اللهم تب علينا توبة ترضى بها عنا. تب علينا توبة ترضيك. تب علينا توبة لا نرد على بعدها ابدًا. يا من تبسط يدك بالليل ليتوب مسيء النهار. تب علينا من ذنوب الليل والنهار. اللهم انا نستغفرك من كل ذنب - [00:46:30](#)

ان عصيناك به ونستغفرك من كل صلاة ضيعناها. ونستغفرك من كل امر فعلناه نظنه حلال وهو عندك حرام فاستغفروا من كل معصية

00:46:50 سر جعلناك فيها اهون الناظرين اليها. اللهم انا نستغفرك من كل ذنب تبنا اليك منه ثم عدنا -

اللهم تب علينا اللهم ادل قلوبنا وزكي نفوسنا واشرح صدورنا. اللهم استعملنا ولا تستبدلنا. اللهم استعملنا او لا تستبدلنا. اللهم اغث

اخواننا في سوريا. اللهم اغثهم. اللهم انصرهم. اللهم فرج كربهم. اللهم انزل هدايتك على - 00:47:10

اهل مصر اللهم انزل هدايتك على شباب مصر وعلى فتيات مصر وعلى رجال مصر وعلى نساء مصر وعلى اطفال مصر اللهم تب على

اهل مصر جميعا يا رب العالمين. اللهم فرج كربات مصر. اللهم اصلح احوال اهل مصر. اللهم وسع ارزاقهم على طاعتك - 00:47:30

اللهم اصلح لهم دينهم ودنياهم واخرتهم انك ولي ذلك والقادر عليه. سبحانك اللهم وبحمدك اشهد ان لا اله الا انت استغفرك -

00:47:50